

Gaeltacht

13ú Aibreán, 1973

Iml. Uimhir 6

Gach coicís

LUACH 6p

Ceirnín Úr leis An Clannad

Ní bheidh i bhfad le fanacht ag lucht leanuint "An Clannad" go mbeidh a gceirnín úr ar an mhargadh. Beidh duisín amhrain ar agus ina measc "An Phairc" a cheol siad i gComortas Eurofise na hÉireann chomh maith le "Thíos Cois na Tra" a chum Pádraig Ó Domhnaill (An Dalach). Amhran eile atá cinnte a bheith iontach coitianta, "An tOileán Úr." Sean amhran nar cheoil siad go poiblí go fóill.

Imasc na bpíosaí ceoil ionstraime atá ar an ceirnín seo tá "An Mhaighdean Mhara" agus "Caoineadh Brian Bóru" ina bhfuil an chlairseach, an fheadóg stain, an giotar, drumaí, agus gleas ceoil nach bhfuil rochoiteanta san tír seo, an liut.

Beidh an ceirnín le fáil ag tus an tSamhraidh air lipéad "Polydore."

De réir cosulachta beidh "An Clannad" iontach gnoitheach i rith an tSamhraidh seo agus beidh éileamh níos mo arís ortha de thairbhe an cheirnín úir seo, agus fiu amhain tá iomra ag gabhail go mbeidh siad ag dul go dtí na Stait Aontaithe ar thuras.

Ach sul a dteann siad ar thuras ar bith, beidh seans iad a fheiceáil ag an Cháisc i dTabhairne Leo i Mí na Léice, (an 21ú, 22ú, 23ú de'n mhí seo).



o chle:

Seán Ó Colla, Connie Ní Cheibhleachán, Aodh Ó Colla, Máire Ní Cholla, Feargal Ó Colla, Áine Ní Oireachtaigh.

Pósadh Aodh, G.S., mac le Mícheál Ó Colla agus a bhean, Máire, Carraig, Áirt, le Máire, nion Shéamus Uí Cholla agus a bhean Sinéad, Croc na Carraige, Port na Blaitheche.

Pósadh an Ianúin i dTeampall Naoimh Mhícheil, an Craosloch. An tAthair Ó Daoine a phós iad. Chaith an Ianúin mí na meala in Éirinn agus tá cónaí ortha fá láthair i Muineacháin.

Dearthar do Mháire is ea Fiontán Ó Colla. Bail de Chóiste Ghlor na nGael an Craosloch is ea Fiontán agus a áthair, Séamus.





Machnamh

Seo agaibh somplaí de aistriuchán urnua ar na Sailm . D'aistrigh mé iad go díreach ón Eabhras (Biblia Hebraica Kittel) . Ghlac mé le coigeartú anois agus arís . Rinne mé mo dhícheall claoi le rithim agus le meadaracht na hEabhraise Níorbh fhéidir gan ranntaí garbha Gaelig a scríobh anois agus arís! Ba mhaith liom go ndéantaí léirmheas air . Ná bíodh leiscort, cibé acu sagart na tuatach, fear nó bean thú, scríobh chugam . Cuidigh liom na lochtanna a leasú sula gcuirtear i gcló iad, agus is mé a bhios fá chomaoin agat.
 Josslett O Cuinn, 67 Wellington Road, Ath Cliath 4
 SALM 39 (38)

Thug mé briathar a sheachaint, mar pheaca an Bhriathair, agus srian a chur le mo theanga, fhad is tá droch-fhear i láthair, Fá thocht, fá thost ón dea-ghuth féin, thainig méadú ar mo chrá a théidh an croí i mo lár, ghlac mo smaointe tine, thainig briathar ar mo theanga, Nocht, a Choime, dhom mo chríoch, cá fhad mo sheal de shaol, Tabhair fios dom ar ghiorracht mo laethach, Níl i mo bheatha ach leithead láimhe, is nimhni á fhad uile i do láthair, níl i nduine dá seasann ach puth anála, níl san duine is mó da siúlann ach scáile, nó san mhaoin a chruinníonn stád ach cnap cheo, ó nach bhfiosann sé cé a bhaileoidh, Agus anois cé leis a bhfuil coinne agam, a Choime, Sé rud tá dóchas agam asat

Fuascail mé ó mo chionnta uile, ná bim i mo bhall seire ag bodaigh, Bím i mo bhéal bhalbh gan smid, is tú a rinne an ghníomh sin, Ná sciúrsáil mé a thuille, táim sáraithe ag trombhuillí do láimhe, nuair a aifreann tú a mhíghníomhartha ar dhuine, imíonn a mhaise mar bhéadh leamhan dá chreimeadh, níl in aon duine ach puth gaoithe, Eist le mo ghúí a Thiarna, nach gcluineann tú mé ag glaodh ort, Ná tabhair cluas bhodhar do mo chaoineadh, Oir níl ionam ach aoi na haonáiche idir dhá dtír, mar bhí mo sheacht sinsear romham
 Tóg do shúil díom go bhfaigh me m'anál, sul a dtéim as agus nach ann dhom.

Dinéar brontanais

Táthar ag súil go mbeidh scáifte mór i láthair i Ostán Ghleannbé oíche Mháirt an 24ú lá de Aibreán. Tá dinnear a reachtáil ag iarscoláirí Sheáin Mhic Fhionnlaoich iar-O.S. An Bun Beag ina onair mar gur éirí sé as a phost le goirid.

Bhí cáil náisiúnta ar Sheán mar mhúinteoir agus sin tuillte go maith aige no ní raibh scoil eile sa tír a fuair, oiread scoláireachtaí agus a fuair a chuid daltaí. Tháinig Scoláirí ag triall air as gach Condae i nÉirinn agus tá siad scaite ar fud na tíre agus i náit-eannaeguslaar fud an domhan inniu.

Beidh cuid mhór acu seo i láthair ag an dinnear agus má tá duine ar bith de bhunú na háite nach bhfuair tícéad go fóill moltar dóibh iad a fháil gan mhoill tré iarratas a chur isteach chuig Banc na hÉireann, An Bun Beag Guthan Bun Beag 116.

An Scoláire

Ar an 18ú lá Aibreán, beidh iris scoláirí Ard-Scoil Mhuire ar fáil do'n phobal.

I mbliana tá sé i bhfad níos mó na bhí ariamh, pacáilte le altanna i nGaeilge Béarla agus Francais, scealtaí grinn agus pictiúirí suimiula. Seo obair na scoláirí iad fhéin agus is mór an moladh atá tuillte acu as an sárobair seo.

Dé réir cosulachta beidh éalamh mór ar an irisleabhar seo agus b'fearr ordú a fháil isteach go luath.

Margadh maith é ar 15p.

BEIDH

An Scoláire

IRIS SCOLÁIRÍ ARD-SCOIL MUIRE

ar díol Dé Ceadaoine 18 Aibreán

luach 15p

A Eagarthóir, a chara,

Tá Bunscoil Ghaelach Bhéal Feirste ag iarraidh banmhúinteoir cáilithe a bhfuil an Ghaeilg aici ó dhúchas le toiseacht a theagasc i Ní Mheán Fómhair i mbliana. Bunaigheadh an scoil i 1971 le riar do pháistí atá á dtógáil le Gaeilg i mBéal Feirste . An chéad bhliain bhí naonbhar páiste ann as seacht dteaghlach . Ag tús na scoilbhliana seo chugainn beidh 20 páiste eadar ghasúraí agus ghíorsachaí ann ó 4 go dtí 8 mbliana d'aois as 10 dteaghlach . Ní teagasc Gaeilge is cuspóir do'n scoil ach bunoidreachas iomlán fríd Ghaeilg a chur ar fagháil mar a ghnithear i scoil Ghaeltachta . Díolfar tuarastal leis an mhúinteoir de réir scála Roinn Oideachais Bhaile Ath Cliath agus breis .

Tá mé ag scríobhadh chugat mar i ndúil 'sgo mbeadh aithne ag léightheoir éigin ar mhúinteoir de bhunadh na Gaeltachta, bíodh sí i nÉirinn, i Sasain, i nAlbain nó sa Bhreatain Bhig, a mbeadh suim aici sa phosta seo .

Má tá a leithéid e aithne ag léightheoir ar bith bhéinn faoi chomaoin aige dá gcuireach sé a hainm agus a seoladh chugam sa chruth 'sgo dtiocfadh liom eolas an phosta a chur chuicí .

Is mise,
 Brighid ní Mhonacháin,
 Rúnaí .

GASÚIR GHABHLA

(Eachtra eile)

Tús an tsamhraidh a bhí ann . Bhí aimsir maith a's bhí daoine gnoitheach ag giollacht na mónadh .

In Gabhla bhí séasúr na mónadh luath an bhiaín sin a's bhí sí sabháilte faoi'n am sd . Os rud í nach raibh dadaidh le déanamh cuireadh Patrick a's Johnnie amach go tír mór, go Luinneach Beag, an áit a raibh aintín leo pósta . Bhí sise marbh ach bhí fear Charlie a's a mhac Síomon ina gcónaí ansin .

Caitheadh lá iomlán thoir sa Ghleann a's tógadh deireadh na mónadh . Chodlaigh na gasúir go maith an oíche sin mar bhí na sciatháin a's na másaí síos leo ó thógáil cléibh ar na fir ach mar sin fhéin bhí lucháir an tsaol orthu go raibh an obair uilig deánta mar bheadh cead coise acu lá thar na bhárach .

Ach bhí plean eile ar fad ag Charlie fa na gcoinne . Bhí aintín eile ar an tSeascan Bheag a's mheas sé go bhféadfaí la eile oibre a bhaint as na gasúir ag tógáil na mónadh do aintín Máire . Nuair a d'éirigh an péire ar maidin bhí an mac ar shúil chun an tSeascain Bhig . Ach bhí an mí-ádh ar na gasúir . Tháinig carraeir an bealach, cuireadh na gasúir ar bord a's hiarradh air iad a ligint amach inaice leis an tSeascan Bheag .

Ach bhí plean dá gcuid féin ag na gasúir. Fuair siad amach ó'n charraeir go raibh sé ag gabháil go stáisiún na traenaich, áit nach raibh siadsan ariamh . "Rachaidh muid go dtí'n stáisiún" arsa Patrick .

"Rachaidh", arsa Johnnie, "nó ní ró-mhinic a fhaigheann muid seans de'n tseort" . Baineadh an stáisiún amach a's chonaic na gasúir rudaí iontacha gan amhras . Chuala siad feadalach ghéar fhada a's chí siad chucu an phéist mhór fhada, go géar gasta

ar dtus, go mall réidh ansin . Tháinig pasantóiri ó'n traen, ach duine nó deoraí níor aithin siad . Níor chuir sin isteach nó amach orthu, ach bhaige bhí suim acu sna bascóidi builbhíne bhíthear a iompar amach .

"Tá ocras orm fhein," arsa Johnnie . "Tá," arsa Patrick, "ach ní bheidh i bhfad" .

Fuair siad an seans a's líonadh na pócaí le builbhíne bhreátha bhoga agus as go brách leo amach as an stáisiún a's síos an bóthar leis an charraeir .

Fa dheireadh thiar thall bhain siad aintín Maire amach ach má bhain chan fa choinne oibre .

Tugadh féasta brea do'n bheirt agus greadadh amach chuig lucht tógála na mónadh iad . Ach anois thoisigh an cogadh dearg . Hiarradh orthu na cléibh a líonadh agus a thógáil ar na fir . Ach níorbh í sin an rud a rinne siad .

Thoisigh siad a chaitheamh na bhfód ar na fir a's bhfaiteadh na súl bhí an dá thaobh sa chomhraic . Chúlaigh na gasúir giota ar ghiota nó bhí siad sa mhionlach .

Fa dheireadh thiar thall bhain siad na bonnaí as . Níor tharraing siad anál go raibh siad ar an Bhunbeag . Admhail to leor bhí bád as an oileán a muigh agus bhain siad an baile amach an oíche sin . D'inis na gasúir scéal maith orthu fhéin agus cé bheadh 'na dhiaidh orthu . Ar scor ar bith chuir sin deireadh le tógáil mónadh ar an tír mór .

An tOileánach a scríobh

TÁ CEOL GACH OÍCHE AG

TABHAIRNE LEO

DEIREADH SEACHTAINE AN CAISC

21, 22, 23ú, lá Aibreán

AN CLANNAD

agus

CEOLTOIRÍ TRADISIUNTA RANN NA FEIRSTE.

S.N. Ó Domhnaill

Éadai do'n teaghlach

An Clochán Liath

RADÍÓ na Gaeltachta



DE SATHAIRN 14u Aibreán

7.00 Nuacht agus Aimsir. 7.06 Spóirt. 7.30 Seisiún. 8.00 Cinn línte agus Nuacht Áitiúil. 8.03 Tuairisc Pearsanta. 8.30 A Ghloria, a Chara. 8.45 An Druma Mór. Urscéal cáiliúil Sheosamh Mhic Grianna a bhuaidh Duais an Bhuitéirigh a léamh ag Seán Ó Gallchóir ina dhá mhír déag. (Mír a cúig) 9.00 Nuacht agus Aimsir.

DE DOMHNAIGH 15u Aibreán

7.00 Nuacht agus Aimsir. 7.06 Séan Bán Breathnach. 8.00 Cinn línte agus Nuacht Áitiúil. 8.10 Sa taobh seo den Tír: Sreath léachtaí ó Bhaill Bhord Staidéar Seachtacht Choláiste na h-Ollscoile. Gailimh ar staid na Gaeltachta inniu. 8.30 Spóirt Idirlinn. 9.00 Nuacht agus Aimsir. 9.15 Deireadh craolta.

DE LUAIN 16u Aibreán

7.00 Nuacht agus Aimsir. 7.06 Sibhse a Pháistí Clár don óige, a chur i lathair ag Aingeal Ní Chonchubhair. 7.30 Irís an Luain Comhrá agus caibidil ar chúrsaí an lae ó Ghaeltachtaí éagsula na tíre chomh maith le dreas ceoil anois agus arís. 8.00 Cinn línte agus Nuacht Áitiúil. 8.30 Séamus Ennis Anseo. 9.00 Nuacht agus Aimsir. 9.15 Deireadh craolta.

DE MAIRT 17u Aibreán

7.00 Nuacht agus Aimsir. 7.06 Togha agus Rogha Rogha na nÉisteoirí a dtogha ag Timlín Ó Cearnaigh. Neasa Ní Chinnéide agus Maidhc P. Ó Conaola. 8.00 Cinn línte agus Nuacht Áitiúil. 8.03 Cré na Cille Léamh d'amatiúil ar leabhair cháiliúil Mháirtín Uí Chadhain ó Aisteoirí Chonamara. 8.30 Lán a Mhála. Ceol tíre nuabháilithe. 9.00 Nuacht agus Aimsir.

DE CEADAoine 18u Aibreán

7.00 Nuacht agus Aimsir. 7.06 Seal leis na Ridirí le Mícheál Ó Shea. 7.30 Iris na Ceadaoine. 8.00 Cinn línte agus Nuacht Áitiúil. 8.03 Iris na Ceadaoine (Cuid a dó). 8.30 Faidhbanna Gaeilge. 9.00 Nuacht agus Aimsir.

DIARDAOIN 19u Aibreán

7.00 Nuacht agus Aimsir. 7.06 Díbhse a mhná. 7.30 "Sí do Mhamó" i 8.00 Cinn línte agus Nuacht Áitiúil. 8.03 An tSeachtain Seo. 8.30 Sa mBruiseál. 8.40 Rogha Gene Martain. 9.00 Nuacht agus Aimsir.

DE hAOINE 20u Aibreán

7.00 Nuacht agus Aimsir. 7.06 Sibhse a Pháistí. 7.30 Iris na hAoine. 8.00 Cinn línte agus Nuacht Áitiúil. 8.03 Céad Bliain i bParóiste an Fhírtéaraigh. 9.00 Nuacht agus Aimsir.

Cuimhneachán Bliana

I ndíl chuimhne ar gcara beag Eoin Mac Aoidh, atá dhá bhliain marbh. O na chairde beaga i nDoire Beaga.

An Craoslach

Tá se ar intinn ag Coiste Ghlor na nGael páirt a ghlacadh san Chomortas Naisiunta i mbliana arís. Thuill Paróiste Chluain Dá Chorca teastas anuraidh agus fuair siad duais airgid 1971.

Ag an cruinniú míosiúil de na Patriciana in Halla Mhuire agus Mhíchil thug Sorcha Ní Chafraidh agus an tAthair Daibhidh, O.F.M. Cap., cainteanna ar "Oileán na Naomh agus na nOllamh". Ní raibh an slua romhór mar bhí an oíche fuar ach pléadh an t-abhar agus bhí díospoireacht suimiúil ann. Táthar ag súil le slua mór ag an chéad chruinniú eile ag deire na míosa nuair a pleafar an t-abhar "True Devotion to the Nation".

Tá fáilte roimh Séamus Ó Donaill O.S. agus Eibhlín ar ais ó Bhaile Átha Cliath. Chaith siad cupla mí san Ardchathair.

Tionolfar cruinniú Cinn bliana den Chomhair Creidmheasa san Pier Lounge, Port na Blaitheche, ar an 15u Aibreán. Beidh damhsa ann an oíche cheanna.

Ta na sluaite ag freastal ar an Bhingó gach oíche Dhomhnaigh. Cumann Luthchleas Gael atá a stiúru.

Comhghairdeachas leo seo leannas a bhain duaiseanna ag an Bhingó ar an Chlochán Liath Dé Domhnaigh a chuaigh thart: £10 Sean Ó Domhnaill an Chlochán Liath Bean Uí Rabhartaigh an Chlochán Liath, Maighread Ní Mhuirí, Ailt an Chorrain. £15 Conal Ó hAnInáin Leitir Mac a Bhaire. £30: P.O. Fearraigh Gaoth Dobhair. £8: Maire Ní Colla, Rann na Feirste. £15: Gearaldín Ní Ghallchoir, an Chlochán Liath, £8: Maire Ní Dhubhaigh, Loch an Iúir, Anna Ní Bhreannan Míin na Croise. £50: Seamus Ó Baoill, na Gleanntaí.

oíche mhór

Bhí oíche mhór eile ag Cumann Oige Loch an Iúir ins an Shamrock Lodge an Fál Carragh tá goirid ó shin, le airgid a chruinniú fá choinne an Chuaire Liathroid Laimhe ur atá a thogail acu i Loch an Iúir. Damhsa agus suipear a bhí acu agus an áit líonta go doras mar bhíos i gconaí achan áit a dteann siad. Sé buion ceoil na "Champions" a bhí ann ag seinim, Buion ceoil a bhfuil eileamh mór ortha ar fud na ballaí damhsa.

Ba mhaith le Cumann Oige Loch an Iúir fíorbhuiochas a thabhairt do gach duine a chuidigh leo, tré a dtacaíocht a thabhairt an oíche sin agus gach oíche eile roimhe, go hairrid dona lucht leanuna ar fud na Rosann, Gaoth Dobhair agus Cloich Cheannfhaoila. Tá súil acu nach mbeidh i bhfad go mbeidh siad ábalta cuireadh a chur ortha go léir le theacht agus toradh a saothair a fheiceáil, nuair a bheas an Cuairt ur críochnaithe.

An Fál Carrach

CRUINNIÚ TUISMITHEOIRÍ

Bhí cruinniú i halla Naomh Fionáin Dé Domhnaigh, de thuismitheoirí a bhfuil daltaí acu ag freastail ar scol-tacha iarbhuioideachais an cheantair. Bhí siad ag toghadh daoine a bheadh fóirstineach mar ionadaí ar bhord Bhainistíochta don phobal-scoil. Cuir-eadh ainmneacha naonair 'un tosaigh agus toghfar beirt astu sin. Beidh an toghachan gan mhoill. I láthair bhí an tUas. Mac Gib, an Príomh Oifigeach, a threoraigh na gnoithí agus a d'freagair ceisteanna fan scoil úr.

POLASAÍ NUA GAEILGE

Cuireadh fáilte san Ghaeltacht roimh an polasaí ur maidir gaeilge i gcursaí oideachais. De réir an tsocráithe a rinneadh bheidh aitheantas dha abhar tiogtha don té a fhaigheann onoracha san abhar seo san Ard Teist. Tá seo ina chuidiu do dhaltaí na Gaeltachta a bhfuil an ghaeilge o dhuchais acu.

DROCH-AIMSEAR.

Chuir an droch-aimsear a bhí againn le tsmall isteach go mór ar obair an earraigh. Is beag a bhí feirmeoiri ábalta a dhéanamh le coicís anuas de thairbhe na stoirme.

Tá an bealach mór in aice reilig an Fhálcarraigh le choriú fá láthair. Is mór an gar é seo mar bhí droch-choirnéal annseo agus bhí sé thar a bheith dainseireach do pháistí na scoile atá in aice láimhe.

B.O. Canain.



Stiofainín Ní Dhuibhir as Bóthar Ti an Phobail, An Chlochán Liath atá ar shiúl go Baile Átha Cliath ag Banaltracht. Bhí sí ar scoil Chuimsithe na Gleanntaí agus bhí sí mar cheannaire ar bhuion ceoil na bpáistí anuraidh.

Cuairt Aire na Gaeltachta

AR GHAOTH DOBHAIR

Bhearfaidh Tomás Ó Donaill, Aire na Gaeltachta cuairt ar Ghaoth Dobhair Deardaoin an 19ú Aibreán. Ina chuideachta beidh an tUasal Séamus De Faoite T.D.

Tá fonn ar an Aire bualadh le daoine a bhfuil pleananna nó tuairmí acu fá fharbairt agus dul 'un cinn na Gaeltachta. Chomh maith le sin is mian leis ionaid oibre agus cultúrtha na Paróiste a fheiceáil.

Beidh an t-Aire agus an t-Uasal De Faoite i láthair ag suipéar i Óstán Radharc na Mara, Oíche Cheadaoine 18ú Aibreán.

Má tá dre am ar bith gur miath leo castáil ar an Aire, cuireadh siad sin in iúl do Chathal Ó Ciúilinn, Bóthar na Trá, Machaire Chlochair, agus beidh seisean ábalta am agus áit a bheas fóirstineach do' n Aire a inse dóibh.

Comhghairdeachas

Déantar comhghairdeachas le Mícheál Mac Fhionnlaoich B.A., A.T.O. T.T.G. as a phost úr mar mhúinteoir i gCeard Scoil na Carraige. Mac é do Mhícheál Mac Fhionnlaoich, Machaire Loisce, Bunbeag.

Fuair sé a chuid oideachais i Scoil Chonail, an Bun beag, Ard Scoil Mhuire agus Coláiste Ollscoile, Baile Átha Cliath. Bhí sé ag teagasc le cupla bliain i Scoil Eanna Baile Átha Cliath.

Déarthair é do Dhonchadh Mac Fhionnlaoich B.A., Scoil Chonail An Bun beag agus Cathal Mac Fhionnlaoich B.A., Baile Átha Cliath.

Rann na Feirste

Tá mná na dtithe i Rann na Feirste ag déanamh reidh fá láthair leis an slua loisteoirí atá ag teacht ag an Chasc a choinneal.

Meastar go mbeidh thaire dhá chéad ag teacht ar an 21ú Aibreán fá choinne an chúrsa seo a mhaireas seachtain.

Sé an tAthair Mac Parthalain, an tAthair Mac Croiligh atá i mbun an chúrsa agus Seosamh Ó Searcaigh agus Pádraig Mac Suibhne ag teagasc.

Beidh leachtaí leis an Ollamh Diarmaid Ó Doibhílin, Coláiste traenála, Béal Feirste, An tOllamh Risteard Ó Gabhann Ollscoil Chúl Raithe agus Peadar Ó Gallchoir B.A. Doire.

Is mór an bholsaireacht na cúrsaí seo do Rann na Feirste agus ullmhaíonn sé mná na dtithe fá choinne an scaifte mór a bheas ag teacht chun na háite san tSamhraidh.

Ó LAODAIGH

Le fáil anois:

Péint i gcomhair bádaí iascaireacht.

An Clochán Liath

Guthan 56.

Fíorghlan

GLANTÓIRÍ

DÉANAIMID CULTACHA
SCOILE A GHLANADH GO
SPEISIALTA

ANAGAIRE

Thiar i nGleann Ceo

le Tadhg Ó Rabhartaigh

AR LEANSTAN

Loch an Iúir

Bhí sé ag smaoinéamh ar na cúpla práta tur a d'ith sé féin sular bhuail sé an bóthar.

"Dúirt tú é, 'rún!" arsa Mártán. "Dhuine chléibh, níl a fhios ag an fhear sin cad é a dhéanfaidh sé lena chuid saibhris. Agus gan aige ach aon mhac amháin. Sin an mac ar méanar dó, a Chonchúir. Tá sé sa bhaile anois as ollscoil éigin atá in Albain, agus é ina innealtóir mianachóireachta. É féin a bhí á inse dom. Deir sé liom gur chaith sé tamall maith ag foghlaim sna mianacha ann. Tá sé ag gabháil a stiúradh an mhianaigh seo thuas i ndiaidh na Nollag, deir sé liom."

"Creidim go bhfuil sé ina fhear mhór anois," arsa an seandúine. "Ní cuimhneach liom amharc a fheiceáil air ón lá a cuireadh a mháthair; agus caithfidh sé go bhfuil sin seacht mbliana ó shin."

"Ó, ní raibh ann ach glas-stócach an uair sin. Dá bhfeicfeá anois é! Ach tífidh tú é nuair a rachaidh tú isteach. Níl sé mórán le cúpla bliain is fiche, tá a fhios agat; ach tá sé chomh stuama le duine a bheadh scór eile leis sin. Caitheann sé cuid mhaith ama ag comhrá le sean-Nábla, agus ag scríobh síos amhrán uaithi. Deir sé liom go gcuireann sé na hamhráin chuig páipéar éigin Gaeilge atá acu thuas fá Bhaile Átha Cliath."

"Páipéar Gaeilge!" arsa Conchúr Mór. "Is í seo an chéad uair riamh a chuala mé iomrá ar pháipéar Gaeilge."

"M'anam, maise, go bhfuil a leithéid ann, a ghiolla seo; agus gur chuala mé féin Marcas ag léamh giotáí as do shean-Nábla sa chistin, an oíche fá dheireadh. Deir sé go gcaithfidh sé éirí amach tríd an ghleann, feasta, go bhfaighe sé neart amhrán agus scéalta ó na seandaoine."

"Cé chreidfeadh go dtógfadh Mac Alastair a leithéid de mhac!" arsa an seandúine.

"Féadann tú sin a rá!" arsa Mártán. "Is mór amach an difear atá idir an t-athair agus an mac, go dearfa duit. Agus chan ar dhóigh amháin ach oiread, a bhráthair, ach ar fhiche dóigh. Thiocfadh liomsa scéalta a inse duit a chuirfeadh iontas go leor ort—ach seo muid ag an ché, a Chonchúir. Tiocfaidh tú isteach go ndéana tú do ghoradh agus go n-ólaimid bolgam tae. Tá mise ag gabháil isteach chun an oileáin ina dhiaidh sin, agus thig leat a bheith amach is isteach liom. Dheamhan go bhfuil eagla orm go mbeidh obair againn ag briseadh an oighir, as seo chun an oileáin, ar maidin amárach arís. Ár sáith a thug sé dúinn ar maidin inniu, bíodh a fhios agat; agus tá cruas ar an dóigh a bhfuil sé ag sioc an tráthnóna seo."

Bhí sé de dheas go maith don chlapsholas nuair a chuir Conchúr Mór agus Mártán i dtír in Inis Colmán. Chuaigh siad trasna i mbád bheag iascaireachta; agus bhí bád mór ina ndiaidh, agus an lód a thug Mártán as Baile na Sí mar lasta air. Le cois an tae, b'éigean do Chonchúr steall eile uisce bheatha a ghlacadh ó Mhártán sula ndeachaigh siad ar an loch. Bhí Mártán ina dhuine ghreannmhar an tráthnóna seo.

"Caith siar é, a dhuine!" dúirt sé. "Cuirfidh sé misneach ionat ag gabháil isteach chuig Mac Alastair."

Agus dar le Conchúr bocht go raibh sin uilig de dhíth air, agus é ag éalú leis suas an stuabhealach i measc na gcrann. Ar gach taobh de, bhí lomchraobhacha na gcrann sin ag lúbadh chun talaimh faoi mheáchan an tsneachta a bhí siochta orthu. Thug an stuabhealach isteach i léana mhór é sular mhóthaigh sé; agus i lár an léana seo bhí an teach mór ina sheasamh go státúil i gcuma. Chonacthas do Chonchúr go dtug an teach sin amharc eascairdeach air nuair a shíúil sé amach as measc na gcrann. Dar leis go raibh cuma dhoicheallach ar na fuinneoga agus, ag gabháil suas na céimeanna dó chun an phóirse, shamhlaigh sé go dtug an doras amharc ceannasach air. Bhuail sé ar an chomhla go cineál cúthalta, agus lig girseach isteach é, girseach a bhí fá thuairim cúig bliana déag d'aois.

"Ó, 'Chonchúir," ar sise, "an tú atá ann?"

An forrán seo a chuir an ghirseach ar Chonchúr Mhór, thug sé a chroí dó. Óir ba bheag a bhí sé ag dúil go mbeadh lúcháir ar aon duine roimhe sa teach choimhthíoch seo. Rug sé greim teann ar an lámh a shín sí chuige.

"M'anam do Dhia!" ar seiseán. "Neansaí bheag Shéimín Bháin! Lig mé as mo chuimhne thú, a rún. Creidim go bhfuil dearmad glan déanta agat dinn ó tháinig tú go hInis Colmán?"

"Ó, maise, is fada uaim a leithéid a dhéanamh, a Chonchúir," arsa an ghirseach. "Is fada go ndéana mé dearmad de na hoicheanna breátha a chuir muid isteach ag airneán tigh s'agaibhse. An mbíonn tú ag seinm ar an fliúit go fóill?"

"Á, ní bhím, a dheirfiúr . . ."

"Ó, mo dhearmad! Bhain an bás a chuid féin asaibh ó d'fhág mise an baile . . ."

"Bhain, a dheirfiúr; agus is é sin an bás a d'fhág mise anseo anocht. 'Bhfuil an duine uasal é féin fá bhaile?"

"Tá sé féin agus Marcas go díreach ar a ndinnéar sa phroinnseomra," ar sise. "Síúil leat isteach anseo chun an pharlúis agus suigh ag an tine. Beidh siad amach chugat roimh i bhfad. Inseoidh mise don mháistir go bhfuil tú anseo."

D'fhág sí Conchúr ina shuí ar chathaoir bhog ag craos de thine ghuail, agus d'imigh sí. Bhí sé ina shuí go neamhshócúlach ar chorr na cathaoireach, agus a bhairéad ar a ghlúin aige, agus é ag téamh a lámh os cionn na mbladhairí. Bhí dhá mhadadh sínte ar chraiceann caorach os coinne na tine. Bhí siad á choimhead go hamhrasach, agus dar leis féin gurbh fhearr dó gan mórán bogadaí a dhéanamh. Bhain sé lán na súl as an ghalántas a bhí fá dtaobh de. Pictiúir a raibh frámaí órbhuí orthu; priosanna a raibh doirse gloine orthu, agus loinnir ina gcuid adhmaid faoin tsolas a bhí crochta as an tsiléail; táblaí galánta a raibh na cosa orthu ab aistí a chonaic sé ar aon tábla riamh; dealbha beaga ar sheastáin thall is abhus, dealbha beaga fear agus ban, agus gan aon snáithe orthu ach mar rugadh iad; scátháin a bhfeicfeá thú féin iontu ó bhun go barr; brat urláir a rachfá go dtí na múrnáin ann; toilg agus cathaoireacha a bhí chomh bog le tortóg chaonaigh.

Ní raibh deireadh iontais déanta den ghalántas seo ag Conchúr Mór nuair a foscladh an doras agus tháinig ógfhear caol ard isteach sa tseomra agus aoibh an gháire air. Bheannaigh sé go tíriúil do Chonchúr Mhór, agus thug sé cúpla coiscéim éasca chun na tine agus sheasaigh agus a chúl leis an mhatal.

"Ná corraigh as an áit a bhfuil tú," ar seiseán, nuair a chonaic sé Conchúr ag tabhairt iarraidh ar éirí. "Tá m'athair ag caint le Mártán fán chistin, ach beidh sé isteach chugat i nóiméad beag. Tá dúil agam nár bhain na madaidh leat."

Lean sé leis ag caint ar an dóigh seo, mar bheadh duine ann a bheadh ag déanamh a chomhrá le Conchúr gach aon lá sa bhliain. Thug an seandúine toil dó, láithreach, agus d'imigh an cotadh de. Dar leis féin: "Is méanar do na daoine nuair a bheas an fear óg seo ina thiarna talaimh acu. Dar fia! bhí an fhírinne ag Mártán sa mhéid a dúirt sé fá dtaobh de." Ba dhoiligh leis seo a chreidbheáil, murab é go bhfaca sé féin é lena shúile cinn. Mac do Mhac Alastair ag cur a leithéid de shuim i dtionónta bhocht a bhí ar deireadh leis an chíos! Ógánach léannta a raibh céimneacha aige as ollscoileanna in Eirinn agus in Albain, ina sheasamh ansin agus a chúl leis an tine aige, ag déanamh a chomhrá go nádúrtha le mianachóir bocht as cábán sléibhe!

Foscladh an doras go cúramach agus tháinig fear tanaí liath isteach. Bhí glaschulaith bháinín air agus péire slípéar. Dhearc sé go géar ar Chonchúr Mhór, tríd spéaclaí a raibh imill óir orthu. Bhí sé gnóthach i gceart ar an bhomaite seo, ag piocadh idir a chuid fiacla le cipín eabhra a bhí aige. Bhí sé chomh gnóthach sin agus nár bheannaigh sé do Chonchúr Mhór. Tháinig sé trasna an urláir go fadálach, agus lig sé é féin síos ar tholg os coinne na tine. Bhí Conchúr Mór ina sheasamh agus a bhairéad i gcúl a dhoirn aige ó chonaic sé é ag cur a chinn isteach ar an doras.

Ba é an fear óg an chéad duine a labhair.

"A athair," ar seiseán, "seo duine de do chuid tionóntaí, amach anuas as lár an ghleanna, deir sé liom."

"Tusa Conchúr Mac Giolla Dé, sílim," arsa Mac Alastair, agus chuir sé cár beag air féin nárbh fhurasta léamh air. Óir ní bheadh a fhios agat cé acu bhíodh Mac Alastair ag gairí fút nó ag gairí leat.

"Is mé, a dhuine uasail," arsa an seandúine, "agus tháinig . . ."

Thóg Mac Alastair lámh thanaí lena chur ina thost. Bhí pioc feola in áit éigin idir a fhiacra go fóill, ba chosúil, nó b'éigean dó tosú a phiocadh arís. Bhog an lámh thanaí arís, ag tabhairt comhartha do Chonchúr bhocht suí síos an iarraidh seo. Rinne sé sin mar hordaíodh dó.

"Tá tú cúig phunt ar deireadh leis an chíos, sílim."

"Tá," arsa an seandúine; "ach dá . . ."

Chuir an lámh cosc leis arís. Bhrúigh Mac Alastair na gloiní a bhí air suas gur fhág sé ar chlár a éadain iad, agus chuimil sé a shúile le ciarsúr. Bhain sé na gloiní de chlár a éadain ansin, agus thug sé glanadh maith dóibh ar a shuaimhneas

Tá cuid mhór tithe úra a dtógail sa cheantar agus tá suas le dhá theach dhéag tógtha le bliain.

Thóg Seosamh Mac Grianna teach conaíúir agus tá sé fhéin agus a bhean céile Treasa ina gcónaí ann. Bhí cónaí orthu i dTiobraid Arainn le seal bliana anuas. Cuireann muintir na háite fáilte mór rompu.

Tá Pádraig Mac Ruaráí ag tógáil sealáir in aice a theach cónaí, beidh an obair críochnaithe roimhe cuplú mí.

Fuair Teilimin Ní Dholain atá ina múinteoir sa Cheard Scoil iasacht carabhán ó Aodh Ó Dubhtaigh, as Contae an Chabháin í, agus tá dúil mhór aice i Loch an Iúir.

Bhí damhsa ag aos óg Loch an Iúir ins ar Ray River Inn de hAoine seo caite le airgid a chuir ar fáil don Cúirt Úr Liathroid Láimhe. Maidir leis an Chúirt fhéin dó, tá tósaigh ar an obair, ach obair fhadalach é, agus is dóiche go mbeidh sé déanta go luath ar an bhliain seo chugainn.

Tá bród mór ar an Chumann Forbartha as an obair shlachmhar, ghasa atá déanta acu cois na locha. Béidh an foscladh ann am éigin sa tSamhradh. Chuir Fionntán Mac Aoidh Bhuí a bháid seoil ar an loch le goirid, bhí an radharc go alainn, agus an ghrian ag taitneamh air, a stiúiriú trasna na locha. Tá bád mór úr ag Dónaill Ó Baoill agus tá muintir na háite ag fanacht go cruaidh le i ghabhail ar an loch, is breá an radharc a dhéanadh sí.

Bhí muintir na háite iontach brónach nuair a chuala siad fán Athair Eoghan Ó Frighill a bheith ag fágáil na paróiste.

L.M.G.

SAN OSPIDÉAL

Tá súl ag a chairde go leir i gCionn Caslach agus Loch an Iúir nach mbeidh i bhfad go mbeidh Dónal Mac Gairbheith ar ais as an Ospidéal ina bhfuil sé i Sráid Jervis, Baile Átha Cliath le coicís. Dé réir tuairisc ón Ospidéal tá sé ag teacht ar aghaidh go maith.

Má tá . . .
SCÉALTAÍ GRINN agat, cuir chugainn iad. Bronnfar 50p ar an scéal is fearr ar gach eagrán de "Ghaeltacht."

RÁTAÍ "GAELTACHT"

fríd an phost

Ainm

Seoladh

£

6 mhí £1.10p

1 bli. £2.20

Rátaí speisialta do ordú mór

"GAELTACHT"

Cló Na Rosann,

Gaoth Dobhair,

Leitir Ceanainn,

Tír Chonaill.

Tuillleadh i gceann coicíse

Tá an leabhar le fáil ó Fhoilseacháin an Rialtais, An Stúara, Ard Oifig an Phoist, Baile Átha Cliath. Luach 65p fríd an phost.

Do'n Aois Óg...

Cailín crúite na mbó

Bhí cailín ann uair amháin agus bhí sí ag obair ag feirmeoir agus ba í an obair a bhíodh aici le déanamh na ba a bhí agus amharc i ndiaidh an bhainne. Lá amháin rinne sí a cuid oibre chomh maith sin go raibh an feirmeoir iontach sásta léi. Bhí sé chomh sásta sin go dtug se stópa bainne dithe fána coinne féin.

D' imigh an cailín leí síos an bealach mór agus stópa an bhainne ar a ceann léi. Bhí sí ar shiúl 'un an bhaile mhóir leis an bhainne a dhíol. "Gheobhaidh mé scilling ar stópa an bhainne seo," ar sise léi féin. "Ceannochaidh mé duisín uibheach ar an scilling. Bhéarfaidh an feirmeoir cearc ghuir ar iasacht domh; agus leagfaidh mé éilín; agus nuair a thiocfas an tam, beidh dhá cheann déag de éanacha beaga deasa agam. "Éirochaidh na héanacha mór agus díolfaidh mé iad agus gheobhaidh mé cuid mhór airgid ortha. Ceannochaidh mé culaith dheas ar an airgid, agus hata a mbeidh ribíní glasa air.

"Nach mé a bheas go deas agus go hálainn lá an aonaigh! Beidh na buachaillí agus na caillíní go léir ag iarraidh a theacht liom, ach is beag aird a bheas agam ortha.

"Beidh Séamus ag brú comhraidh orm agus beidh sé ag iarraidh orm theacht a rinne leis, ach ní dhéanfaidh mé a dhath ach mo cheann a chrothadh san aer agus - - -"

Bhain sí crothadh as a ceann lena thaisbeaint caidé dhéanfaidh sí agus thit an stópa bainne ar an bhealach mhór.

Ba é sin deireadh an aisling! D' imigh an chulaith álainn agus an hata agus na ribíní glasa! dimigh an tiomlán! An cailín bocht. D' imigh an aisling deas agus na caisleáin áilne a bhí sí a chumadh ina croí. D' imigh siad uilig leis an chrothadh uafásach sin a bhain sí as a ceann.



Pilib agus Dónall Ó Gallchóir as Glascú le Máire agus Róisín Nic Ruairí as Rann na Feirste.



Na siogaí ins an Gheamaracht "Níon Rí Ailigh" le Banríon na Síoga.



Michèle agus Máire Ní Chaiside as an Ómaigh, Co. Thír Eoghain a d' fóghlam a gcuid Gaeilge ona máthair mór Gráinne Nic Giolla Arraith as Rann na Feirste.



Mícheál agus Seosamh Ó Searcaigh as Anagaire, páistí Bhríd agus Séamus Ó Searcaigh.



Éoin, Pádraig, Doínchadh agus Máire, lena máthair Máire Bean Uí Gharbheith as Loch an Lúir.

Eoinín agus a mhadadh



Tá mé fhéin agus mo mhadadh ar shiúl ar laethe saoire na Cá'sca ach be muid ar ais fá choinne an chéad eagrán eile. Tá súl againn go mbainfidh sibh uilig spéis as bhfur laethe saoire fhéin.

Eoinín



Oilbhe Ni Bhraonain, níon Leo, atá ar scoil Dhobhair. Tá sí i mbuíon ceoil Dhobhair agus an suim aici i gceoil. Tá sí ag ullmhadh gach oíche leis na baill eile de'n bhuíonn ceoil i gcomhair Domhnach Casca



Dia dibh, a phaisti,

Seo bhur gcara Andaí ar ais agus léar scéaltaí agus rudaí suimiula dibh. Molaim go mór na páistí uilig a scríobh chugainn go dtí seo ach caidé fá na páistí nar scríobh chugainn go fóill? Ba mhaith liom cluinistin uatha sin.

Ar tharla rud ar bith iontach nó an bhfuil scéal grinn agat? nó an bhfuil tú maith ag cumadh filíochta? Scríobh chugainn. Beidh lúchair orm cluinistin uait agus ná déan dearmad, más maith leat do phictiúir a fheiceáil ar "Gaeltacht" cuir chugainn grianghraf díot féin agus do pheata agus beidh lúchair orm é a fhoilsiú.

Slán go fóill,

ó bhur gcara . . .

Andaí.

ÉIN na hÉIREANN



AN FHEANNÓG

Ball eile de chlann an phreacháin atá san éan seo. Tá dath dubh air cé go bhfuil a dhroim agus a bholg liath. Tuairim ar ocht nórlaigh déag go leith a thomhas ó bhun a rubaill go barr a ghoib.

Cuireann sé faoi ar an chnoc agus ar an chaorán. San earrach cleachtann sé an tseilg níos díograsaí ná i rith aon tseasúir eile. Bíonn a aird dírithe san fhiach do ar uibheacha a bheadh fágtha gan gharda ag an chearc fraoigh. Éiríonn de ghnáth leis an choileach agus an chearc fraoigh le chéile é a ruaigeadh más ann dóibh.

Tá sé amuigh air go dtig leis éin chomh mór leis an phatraisc nó leis an tsacan a mharú.

Deirfidh an tréadaí go mbíonn tóir aige ar na huain óga. Is dóigh nach bhfuil sin amhlaidh cé nach mbeadh leisce air iad a itheadh da mbeadh siad marbh roimhe. Tcífidh tú an fheannóg ag itheadh coinín marbh ar taobh an bhealaigh. Ní fhaca mé in amar bith ag baint do chat marbh.


Níltear ar aon fhocal faoin éan a thuirling ar ghalann Chu Chulainn, deir daoine airithe gur bhé an fiach dubh a bhí ann, daoine eile gur bhé an fheannóg a bhí ann.

M.O.M.




GREANN



AN MISE AN MADADH A PHÓS TÚ?



TARRANG AN DORAS DO DHIAIDH A NORA.



Níon Rí Ailigh

Oíche Cheadaoine a 28ú Márta thart chuaigh mé go hAmharclann Ghaoth Dobhair leis an gheamaireacht "Níon Rí Ailigh a fheiceáil. Bé an oíche dhéjrnach dó agus ní raibh ann no go bhfuair mé isteach an doras leis na sluaite a bhí a phacáil i bhfad sul ar thosaigh sé. Bhí siad na suí achán áit agus gan orlach de'n urlar gán bheith in úsáid.

Bhí an tadh orm, fuair mé isteach, béigin dóibh na céadtaí a dhúiltú de thairbhe nach raibh spás fá na gcoinne Geamaireacht trí páirt a bhí ann agus d' foscail an chúirtín ar Chaislean Aileach agus scaifte oibreannaí a choiriú fá choinne teacht an Rí.

Níl mé gabhail a inse an chuid eile den scéal mar geobhaidh muid uilig seans eile gan mhoill é a fheiceáil arís ar an 24, 25, agus 27ú Aibreán agus níor mhaith liom an scéal a mhilleadh ortha sin nach raibh comh ádharach linn féin!

Bhí Sean Ó Gallchóir go rí-mhaith mar bhí ariamh, ins an pháirt "Rí Ailigh," is fada an lá ó chonaic mé é don chéad uair ins an dráma "Neart na Córa." Tháinig sin i mo chui mhne agus mé a choinhead ar an ardán.




Is dóiche nach raibh cuid mhór dena hAisteoirí eile ins an gheamaireacht ar an tsaol nuair a bhí Seán ins an dráma sin. Ach chruthaigh siad go bhfuil an aos óg i nGaoth Dobhair ag coinneáil suas an tradisiún a thosaigh i nGaoth Dobhair in 1932.

Tá'n spiorad ansin, agus ce go raibh cupla duine de na haisteoirí ar an ardán don chéad uair tá mé cinte go bfeicidh muid tuilleadh dóibh san am atá le teacht.

Is deacair duine ar bith a phioc-eadh amach le moladh, bhí siad uilig chomh maith sin ach caithfidh mé tagairt ar Nial Ó Maolagáin agus Prionnsias Ó Duibhir. Féadann muid a bheith cinnte go gcoinneochaidh siad muid ag gáire.

Bhí Ava Nic Griana iontach maith mar Níon an Rí, cé nach bhfuil sí ach seacht mbliana déag rinne sí a páirt mar aisteoir seanaimsearach.

'Sé Tomás Mac Giolla Bhríde a scríobh "Níon Rí Ailigh" agus a bhí i mbun an léirithe. Prionnsias Ó Maonaigh, Eibhlín Bean Úi Arnoild agus Máire Bean Nic Giolla Bhríde a bhí i mbun an cheoil.



GEAMAIREACHT

"Níon Rí Ailigh"

IN AMHARCLANN GHAOTH DOBHAIR

Ar an 24, 25, agus 27ú, Aibreán.

Greann, scléip agus ceol.

ag, 8.30 p.m.

Isteach 30p



postanna

CAILÍN de dhith. Clóscríobh riachtanach, Post suimiúil. Iarr Bocsá 130.

ag teastáil

AG TEASTAIL: Sealaí no teach ar an Bhun Bhig nó Doirí Beaga, dara coicís i mí Iúil. Gach eolais ag: Bocsá 120.

AG TEASTAIL: Bad ramha a bhfuil baili maith air. Gach eolais agus luach chuig: Bocsá 121.

AG TEASTAIL: Sean leabhair Gaeilge, go hairid, rudaí a bhaineas le Thír Chonaithe. Cuir gach eolais agus luach ag Bocsá 104. Luach maith ar na rudaí cearta.

AG TEASTAIL: GO GASTA: Inneal i gcomhair stroighin a mheascadh. Caithfidh se bheith reasúnta agus ag gabhail go maith.

Scríobh chuig Bocsá 106, ag rá cé'n áit a dtig é a fheiceál agus an luach.

LE DÍOL: Stampai an domhain. A lán stampai le díol de chóir a bheith gach tír. Iarr Bocsá 107.

COIMHEAD GAELTACHT gach coicís agus b'fhéidir go bhfeiceá an rud a bheadh ag fóirstin duit nó cuir fógra ins an cholún seo.

le díol

LE DÍOL: Consul 315. (1964). Consul 375. (1963). Fóirsteanach i gcomhair páirteannaí. Iontach saor. Scríobh chuig Bocsá 101.

LE DÍOL: Simca. (1963) fosta cuid mhór páirteannaí do ghluasteán eagsúla. Gach eolais o Bocsá 102.

TRÍ MORRIS 1100 le díol iontach saor. Fosta páirteannaí fá choinne gach cineál gluasteán. Guthán: An Bun Beag 82.

Choinigh muid an spás seo fá choinne do fhógra-sa (2½p an focal).

Bocsá na Litreach



A Chara,

An dtiocfadh lion spás a fháil ar do pháipéar "Gaeltacht"; le cupla focal a rá fa scoil Rann na Feirste agus Radió na Gaeltachta.

Ar tús, tá tuismeoírí Rann na Feirste sásta leis an scoil ó ath-fhoscladh í agus sílim fhéin go bhfuil muid ag dul ar aghaidh go maith ó shin. Tá 70 páistí ar an rolla agus chaith na maistearí cuid mhaith dá gcuid ama fhéin le buion ceoil a chuir ar bun. Lena chois sin, cuir-eann siad suim mhór i ngach rud a bhaineas leis an cheantar. Sin na tuismeoírí agus an scoil.

I dtaca le Radió na Gaeltachta do, bhí mé ag éisteacht le caint fá scoil Dhún Caoin tarraingadh isteach ceist fá scoil Rann na Feirste. Ní bheadh dochar ansin ach creidim nach craoileadh maith é, duine a rá go bhfuil Raiflé ag dul thart go rabh tuille tuismeoírí i Rann na Feirste ag smaoineadh ar a gcuid páistí a chur chuig scoil eile taobh amuigh de cheantar Rann na Feirste. Más rud é go bhfuil craolacháin ag dul do réir raflaí, thig linn uilig cuidiú leis, dá mbeadh suim againn ann, ach caithfidh muid smaoineadh ar an dochar dhéanann na raflaí seo do na maistearí na scoláirí agus an cheantar.

Cuir i gcás go raibh sé fíor, go raibh smaoineadh ag duine de na tuismeoírí, a chuid páistí a chuir chuig scoil éigin eile. Sin a ghnoithe fhéin agus níl sé ceart uasaid a bhaint as ar an Radió. An dochar a tóim le seo, nach bhfuil fhios ag na daoine ag éisteacht le seo cé acu, sceal atá ag déanamh maith, nó ag déanamh dochar.

Bhí lúchair orm nuair a foscladh Radió do mhuintir na Gaeltachta agus creidim go dtiocfadh leis a bheith ina chuideadh mhór dúinn uilig. Tá sé in am dúinn deireadh a chur leis an chaint a dhéanann dochar don Ghaeltacht agus a bheith ag dúil le níos mó nuacht a chluinstean fá scoil-teacha eile a athfhoscladh.

Ba mhaith liom fhéin comhghairdeachas a dhéanamh le muintir Dhún Chaoin agus Baile Mhunna.

Ar aghaidh leis na rudaí a chuid-eachas leis an Ghaeltacht.

An deireadh leis an dochar.

Breandan Ó Raghallaigh
Rann na Feirste.

A Chara,

Mar dhuine de phobal Anagaire ba mhaith liom a rá go raibh mé ar buille mar bhí cuid mhór daoine eile ins an Phairóiste, nuair a chonaic mé litir "Mass in Annagry" ar an Sunday Press" Dé Domhnaigh 1ú Aibreán ó "Visitor from Belfast" ag gearrán go raibh an tAifreann i mBéarla Lá Fhéile Pádraig.

Ba mhaith liom tabhairt le fios do'n duine seo gur cheart do fírinne na ceiste a fháil sul a dteann sé ag scríobh litir a thabharas droch chlu dúinn annseo in Anagaire.

Tá mé fhéin cinnte nach raibh an duine sin i lathair ins an tSeipeal mar da mbeadh agus é chomh briste fá Aifreann i mBéarla a cloisint chuirfeadh sé ceist cad chuighe? Mar bhí sé i lathair níl de fhreagra agam no gur chur sé ceist ar na daoine contrailte, cad chuighe?

Sé fírinne na ceiste, nach bhfuil in Anagaire ach Sagart amháin le obair na Paróiste uilig a dhéanamh (Tá sagart na Paróiste tinn) An lá sin tháinig an sagart seo go dtí an Paróiste mar Riartóir do'n chéad uair agus na hinseadh duine ar bith dúinn nach bhfuil Gaeilge aige (Cainteoir duchais as Ceantair Chloich Cheannfhaola. Ag an dara Aifreann leigh Sagart a bhí ar laetha saoire as Albainn (nach bhfuil Gaeilge ar bith aige) an tAifreann i mBéarla, an taon teanga a bhí aige, a thuigfadh na daoine.

Cinnte thig linn uilig, i ngnoithigh Creidimh, dhul ar aghaidh mar Chríosta agus onair a thabhairt do Dhia gan gearrán fá'n teanga a bhfuil an onair sin ann. Tuigean Dia gach teanga san domhan, agus tá me cinnte go dtuig-eann Sé cad chuighe a raibh an Aifreann i mBéarla in Anagaire Lá Fhéile Pádraig, (agus gur thuig Sé an Béarla fosta). Is fiú cuimhniú go raibh muid uilig ag éisteacht an Aifreann i Laidin go dtí ta goirid ó shin agus ní raibh duine ar bith ag gearrán, (in Anagaire ar chorr ar bith) nach raibh sé i nGaeilge.

Be mé iontach buíoch don "Visitor seo má dhéan sé cinnte fasta agus fáil amach "Cad chuighe" sul a ritheann sé le litir (i mBéarla) ag an "Sunday Press".

Peacach as Anagaire.

cead pleanála

Tá ceadpleanála a lorg agam ar Údaras Pleanála Chondae Dhún na nGall chun sealaí a thógall ar mo chuid talamh ag Loch an Iúir.

Gráinne Nic Suibhne.

Tá iarratas agam ar Údaras Pleanála Chondae Dhún na nGall chun cead a fháil teach cónaí a thógal ar mo chuid talaimh ag Anagaire.

Aodh Mac Cnámhsí.

Tá sé de run agam iarratas a dhéanamh ar Údaras Pleanála Chondae Dhún na nGall, chun teach cónaí a thógall ar mo chuid talamh ar an Bhun Bhig.

Seosamh Ó Baoill.

Tá iarratas a dhéanamh againn ar Údaras Pleanála Chondae Dhún na nGall chun Ionad Caitheamh Aimsire a thógall i Loch an Iúir.

Cumann Óige Loch an Iúir.

go pearsanta

IARSCOLAÍRI Sheain Mhic Fhionlaigh. Tá damhsa agus dinéar ina onair in Ostán Ghleannbe De Máirt, 24ú lá Aibreán.

Ná déan dearmad do thicéid a fháil go luath.

NÁ CAILL AMACH: Go go luath chuig an Gheamaracht, "Níon Rí Ailigh" i nAmharclann Gaoth Dobhair ar an 24, 25, 27u, lá Aibreán. Tá sé maith.

OÍCHE MHÓR achan oíche rith na Casca tí Leo i Min 'a Leice.

Shh....cogar! Tá péint speisialta i gcomhair bádaí iascaireacht ti Laodaigh ar an Chlochán Liath.

CEANNAIGH "Gaeltacht" gach coicís an pháipéar a leigheann muintir na Gaeltachta.

Óstán Gleannbe

Togha gach bi agus rogha gach di anseo i gcónaí.
Ceol agus damhsa gach deire seachtaine

Doirí Beaga

Guthán 42

P. Ó Baoill

Búistéir

Fá choinne an chuid is fearr den fheoil

An Chlochán Liath

Guthán 51.

buion ceoil Medicine Bow



GAOTH DOBHAIR

Bhí brón mór ar fud na Paróiste nuair a tháinig sceal fá bhás Bríd Bean Uí Bhraonain thall i nGreenoch, i nAlbáin.

54 bliain d'aois a bhí sí. Banaltra a bhí inti. I ina conaí thall o posadh í. Iníon í do Jack O Currain agus a bhean Máiread as Machaire Gathlan, (nach maireann)

Bhí sí ina snaimhteoir mhaith, ach ba mhó an chúl a bhí uirthi mar cheoltóir traidisiunta, mar ba de teaghlach ceolmhar í.

Tugadh a corp a bhaile go Gaoth Dobhair Dia Luain, agus bhí an ttorramh go reilig Mhachaire Gathlan i ndiaidh an Aifrinn Dia Máirt.

Gnímid comhbhrón lena fear céile, lena cuid dearthar Féilimí, Pádraig, Donnchadh, Féilimí Beag, na cuid deirfiur Eibhlín, Máire, Grainne, lena cuid nia, agus neacht agus móran gaoilpósta.

Cuireadh Aodh Ó Rabhartaigh as an Fhál Carrach seachtain o shin, i ndiaidh tréimhse fada tinnis. Ní raibh sé ach coicís roimhe sin o cuireadh a dhearthair Pádraig a bhí posta ar bhean as an Luinnigh.

Guímid comhbhrón le deirfiureacha Aodh agus lena ghaolta.

Tá Aodh Ó Gallchóir as Glascú, a bean chéile Nuala agus a iníon Nuala ag caitheamh saoire ag Seamus ó hEarcán ar an tSlaochan.

Cúis bróin i nGaoth Dobhair agus i Rann na Feirste, bas Máire Nic Giolla Easbuic thall ag Queens i Mericea.

Bhí sí ag siúl ar an tsráid agus mhairbh gluaistean í.

Bhí sí pósta ar fhear de thógailt Mhericea agus triúr clainne aici, an duine is óige acu trí bliana d'aois.

Iníon í do Eamonn Hudaí Neddy as Rann na Feirste agus Róise Charlie Jack as an Charraic. Tógadh Máire i nGlascú leis an chuid eile de'n teaghlach, agus bhí Gaeilg aici. Bhí sí ag obair i Mericea súl ar pósadh í.

Guímid comhbhrón lena hAthair atá ina luí tinn é féin, agus lena máthair agus an chuid eile den teaghlach.

Tá duine eile de shean daoine na h-áite ar shlua na marbh, sin i Máiread Bean Uí Ghallchóir as Míin Doire Dhaimh.

Failte Abhaile

Deantar comhghairdeachas le Sean O Dubhaigh as an Mhin Mhor ata i ndiaidh post a ghlacadh mar Bhainisteoir air Oifig Arachais Sayers ar an Chlochán Liath.

I ndiaidh Ard-Scoil an Chlochán Leith, ina bhfuair se a bhunoideachas chuaigh se go Londain ait a chaith se deich mbliana ag obair le Loyds ansin.

Ta de posta le teaghlach agus ni bheidh i bhfad go mbeidh se ag togail teach ur do fhein ar an Min Mhor.

Ta sul againn uilig go mbeidh gach adh air san am ata le theacht agus cuireann muid failte roimhe abhaile.

Níl fagtha anois ach a h-míon Máire. Is fada a cuireadh a fear céile Micheál. Bhíodh seisean ag obair sa Chuir, sin an t-ostan a bhi ag muintir Hill i nGaoth Dobhair.

Bhí Mairead 84 bliain d'aois. Ba de chloinn Mic Giolla Bhríde as Carraic a' tSeasgain i féin. Chonaic sí cuid mhór athruithe ina saol. D' imigh an chuir, sin teach osta Hill, d' imigh an bothar iarainn; tógadh staisiún Udros-Leictreais agus cuireadh coillidh crann i Míin na Cuinge.

Cuireadh Máighread i Machaire Gathlan i ndiaidh Aifrinn i Seipeal Mhuire, Doire Beaga. Bhi torramh mór lei, agus an Sagart O Gallchóir agus cléir na Paróiste i láthair.

Tá an tSiur Cáitlín Nic Giolla Chóil as an Ghlaisigh ag obair go dícheallach ins na Filipiní. Is de ord Naomh Columban i Machaire Mór Condáe Chille Mann-tain í. Bhí sí ina muinteoir bunscoile roimh dul sa chloch ar dír.

Chaith sí bliain i Chicago Mhericea ar chursa speisialta Teagasc Criostaí agus obair shoisialta agus tá sí ag cur an teagasc sin i bfeidhm ina scoil sna Filipiní anois.

Thug sí cuairt ar Éirinn agus ar a gaolta i Míin an Iolair agus ar an Charraic cupla bliain o shin.

Bhí luchair ar a cairde go dtainig sí slán as na tuilte móra a bhí i Manila i Mí Iúil seo a chuaigh thart.

Chaith Eibhlín bean Uí Dhonnca agus a mac Cathal, as Gaillimh, cupla lá saoire anseo ag tús na míosa.

As an tSeasgan Bheag Eibhlín o dhuchas ach tá sí ina conaí i nGaillimh on uair a ghlac a fear céile, Seamus (nach maireann) a phost mar phríomh oifigeach talmhaíochta ansin, blianta fada o shin. Thaitin an gheamaireach go mór le Eibhlín.

Thug Sorcha Bean Uí Earlaigh as an Astrail cuairt ar a baile i Machaire Loisce. Iníon í le Timlín O Dochartaigh (nach maireann), agus do Chait Máire. Is as na Rosann a fear céile agus tá siad san Astrail le fada. Seo an triú cuairt aici ar an bhaile.

Tá clann Shorcha fasta suas agus tá cuid acu pósta thall san Astrail.

Tá lion mór ur cearc curtha isteach ag Maire Bean Uí Earlai i Leitir Ceanainn. Díolann Máire uibheacha le aonaid siciní i ngach cearn d'Éirinn agus buadhann sí móran duaiseanna ag taisbeanais talmhaíochta fríd Éirinn.

As ceantar Leitir Ceanainn Máire. Is fearr an aithne atá againn ar a fear céile, Pádraig, mac Johnny Shéimhidh as Anagaire.

Gnímid comhghairdeachas le Pádraig O Gallchóir agus a bhean Sorcha as Srath Caonach, ar bhronn Dia iníon eile ortha. Tá triur mac agus iníon acu cheanna. Tá aithne mhaith ar Pádraig i Monarca Europlast. Is minic a chluinimid Sorcha ag ceol amhrain thraidisiunta.

Craoibh Uladh Bainte ag

Colaiste an Fhál Carraigh

COLAISTE NA CROISE NAOFA. . . . 0-13

AN SCOIL CHUIMSITHEACH, MUINCHILLE. . . . 1-4

Bíonn ocaidí ann nuair nach bhfuil maith i bhfocail, nuair nach feidir leo a mhothaíonn an croi, a bhfeiceann an tsuil a noctu. B' sheo ceann acu. Thug Micheal Mac Giolla Chearra, stocach naoi mbliana deag as Cill Charthaigh taispeantas péile uaidh i mBéal Áth Seanaigh Dé Sathairn nach bhfuil inse béil air.

Thig linn a rá go bhfaca muid é ag leimní is ag breith ar liathroidí arda, go bhfaca muid é ag iompar na liathroide go cumhachtach cumasach o cheann go ceann na páirce, go bhfaca muid é ag gnothu bairí aille, go bhfaca muid é ag gearradh tríd na n-imreoirí eile mar rachadh scian tríd im. Thig linn sin uilig a rá agus tuilleadh ach ní chuireann sé in iúl go hiomlán an phléisiur a thug sé duinn.

Ghnothaigh Colaiste na Croise Naofa craobh Uladh don chead uair nuair a bhuaíl siad scoil na Muinchille 0-13 go dtí 1-4: i mBéal Áth Seanaigh. Thug siad Corn an Chaird-ineil Daltun (do fhoirne sinsir) a bhaile leo go luachaireach oíche Shathairn.

Bhí gaoth bhog i mBéal Áth Seanaigh. D' imir Colaiste na Croise Naofa lei sa chead leath. Chuaigh siad ar an ionsaí laithreach agus b' iad a fuair an chead scór indhiaidh cuig bhomaite. Chuir O Searcaigh an liathroid chuig Mac Meanman, chuir seisean chuig O Dufaigh é agus fuair seisean pointe. Bhí Ó Muirí ag dul tríd indhiaidh seacht mbomaite. Leagadh é agus fuair O Searcaigh pointe on saorchic. Trí bhomaite ina dhiaidh sin thug O Maolagain pas galanta do O Searcaigh agus fuair seisean a phointe. Bhí Mac Giolla Chearra ag stocadh chun tosaigh sa seu bomaite deag. Leagal h é agus fuair an Searcach pointe eile. Fuair Ó Loingsigh pointe don Mhuinchille i ndiaidh seacht mbomaite deag agus bhí an imirt acu ar feadh cuig bhomaite. Ansin fuair Ó Muirí scoith pointe o dhaichead slat dona Conallaigh. Bomaite ina dhiaidh sin fuair Mac Giolla Chearra an liathróid i lár na páirce, d' iompair sé í agus fuair pointe ó 30 slat. Fuair Scorr pointe don Mhuinchille roimh leathama. Ní raibh eatharthú ach ceithre Phointe (0-6 go dtí 0-2) ag leathama agus leoga bhí eagla go leor ar an Fhál Carrach agus acu le h-imirt in eadan na gaoithe. Trí bhomaite a bhí imrithe nuair a fuair Mac Giolla Chearra an liathroid, rith lei thug don Searcach i, pointe. Rinne culbaire an Fhál Carraigh, Mac an tSaoir, eacht nuair a thiontaigh sé cic an-dhainsearach thar an dtrasnan. D' fhobair do Cholaiste na Croise

Naofa nuair a cuireadh "cúl" cearnogach a fuair na Cabhanaigh ar ceal. On chic amach fuair pointe o chaoga slat. Bhí ceathrú uaire den dara leath imrithe nuair a rinneadh calaíoch ar Mhac Ghiolla Chearra. Fuair Ó Searcaigh an pointe mar is gnath. Dha bhomaite ina dhiaidh sin fuair Mac Giolla Chearra sar-phointe -- bheir sé ar an liathróid caoga slat ona chúl féin, d' iompair i tríd na Clabhanaigh agus thug speach ghleoite dí o leithchéad slat. Thug Muinchille ruathar sias an phairc agus fuair Ó Cearnaigh cúl. Bhí dha bhomaite deag fagtha agus ceithre phointe eatharthú. D' fhéad O Dufaigh deireadh a chur leis an imní. Fuair sé pás o Ó Searcaigh, ní raibh idir é féin agus an cúl ach an culbaire. Rinne sé brachan de. Ní raibh le dhul ach 5 bhomaite nuair a rinne Mac Giolla Chearra rith aonair eile, thug do O Muirí i --- pointe. Trí bhomaite a bhí fagtha nuair a fuair Mac Giolla Chearra pointe o shaorchic. Buaileadh amach é, fuair sé greim air arís agus chaith thairis é, Fuair na Cabhanaigh an pointe deireannach.

Cluiche maith spórtuil a bhí ann. Scoith réiteora ab ea Andy Barrett. Rinne na Cabhanaigh a ndicheall gur séideadh an fhídeóg dheireannach. Diomaoite de Mícheál Mac Giolla Chearra b' iad Eoghan Ó Searcaigh agus Seán Ó Muirí ab fhearr a d' imir do Cholaiste na Croise Naofa. Bhí Mac A' tSaoir, O Cailín agus Ó Daimhin maith i gceart fosta ach ní raibh cail ar aonduine acu.

Iompraíodh an foireann uilig agus an tAthair Mícheál Mac Suibhne, a d' amharc ina ndiaidh, on pháirc. Bhí suas le céad scoláire ansin ag tabhairt tacaíochta don fhoireann. Scaibfidh siad go gach cearn den domhan agus ma bhíonn fonn cumha no uaignis orthu tíg leo i gconaí a rá, 'Is cuimhin liom an lá a chonaic mé Mícheál Mac Giolla Chearra ar leana Bheal Áth Seanaigh...' An fhoireann: B. Mac a' tSaoir; G. O. Baoill, D. O. Daimhin, C. O. Canainn; R. Breatnach, D.O. Cailín, E. Mac Suibhne; M. Mac Giolla Chearra, S. O. Muiri; E. Mac Meanman, E. O. Searcaigh; P. O. Maolagain; S. O. Dufaigh. Fir Ionaid: A. O. Duill, S. Mac Gabhann; S. O. Donail, P. O. Baoill, D. O. Muiri.

Óstán Radharc an Earagail

Ceol agus damhsa i rith na Caisce

Doirí Beaga

Teach Thomáis

Eadaí do'n teaghlach; Obair Lámhcheird

Baile Lár

Doirí Beaga

Cúrsaí Spóirt



CUMANN SOCAR GHAOTH DOBHAIR

Damhsa agus Suipeár

Oíche Mháirt an 24ú Aibreán

in

Radharc na Mara

Táille 65p.

Ceol: na BEARCATS

Meabhrú ar Chaitheamh

Aimsire sa Ghaeltacht

le Liam Mac Gaotháin

Agus mé i mo shuí ag meabhrú ar chumadh alt spóirt don t-seachtain seo, tháinig an smaoineadh i m'intinne go mbéinn abalta, b'fhéidir, píosa a scríobh, fá'n tabhacht atá ann, go mbeadh áit cruinníú ag achan phobal dofa fhéin, sin macasamhail Cúirt Liathróid Laimhe druite isteach, no ionad caitheamh aimsire. Tá mé ag caint anois go speisialta fa na ceantracha Gaeltachta. Mar is eol díobh is ea ceantracha scaite an chuid is mó acu seo, agus bheadh sé ina dhóigh mhaith leis na daoíní a chruinníú le chéile lena gcuid scealtaí atháis agus bróin a chuir i n-iúil dona chéile, agus fa-choinne a gcultúir Gaelach a choinneal beo.

Tá dóigh speisialta againne, muintir na Gaeltachta, agus cultúir speisialta chomh maith, agus sílim da mbeadh áit airithe mar seo i ngach ceantar go mbeadh seans níos fearr againne ar mbeas-ai Gaelach a chruthú. Séilim gurb é diomhail na háiteanna seo atá luaite agam atá contrailte leis na daoíní, níl áit acu le airnéal ach teach na comharsan agus tá siad marbh ag labhairt leofa sin, ach da mbeadh áit cruinníú acu le, céilí agus srl. ar siúil bheadh daoíní ann b'fhéidir nach bhfaca a chéile a bhí an t-ám sin an-aidh ann, ní an aos óg, anois, a bhfuil mé ag caint air, ach na daoíní nach bhfuil go óg sin. Ar ndóighe is é croí pobail ar bith an aos óg, ach ní iad-san is measa diomhail caitheamh aimsire, séilim go cheart don aos óg i ngach baile, áit a chur ar bun a mbeadh muintir na háite abalta caitheamh-aimsire a bheith ann mar luaidhe mé cheana féin. Le cóis a bheith ag cuidiú lenar sinsear, bheadh siad ag spreagadh suím na ndaoíní agus bheadh áit bheo, bríomhar againn.

Tá muintir Ghaoth Dobhair ag tógáil áit Phobail dófa fhéin, agus má tá siad-san in innimhe a léitheadh do fhoirgneamh a chur ar fáil, níl reasun san domhan, nach mbeadh ceantracha eile

abalta an rud cearna a dheanamh. Tá sé uilig le deanamh ag na daoíní sa cheantar i gceist agus is chruthú maith orthu go bhfuil an spiorad ceart acu. Caitfidh siad airgid a chruinníú fa-choinne na hocaide seo agus leoga beidh neart airgid de thith. Ar ndóighe is doiche go bhfuil deontais le fáil ach caithfidh chruthú na hoibre a bheith ag teaspoint sula mbeithear cinnte de seo.

Níl muintir Loch an lúir ag ligint a dtaoibh fhéin don sceal síos ach oiread, agus tá an Chuir Liathróid Laimhe is fearr sa Chontae, muna bhfuil sa tír fe lathair a thógail acu. Mar a luaidhe mé i nalt don "Ghaeltacht" cheanna féin, tá leir buntaistí ag baint le Cuir mhór dhriute mar seo, tá sé lan chomh maith leis an áit Phobail a raibh mé ag caint air. Tá muintir na háite uilig ag cur a ndroim leis an obair ach obair fhadalach atá ann, ach is fiú fanacht leis, no tá sé ar intinn acu teas agus solas agus achan seort aiseanna a bheith ann. Ní do liathróid laimhe amhain atá an Chuir seo, ach do achan chineal spóirt agus caitheamh aimsire. Cinnte beidh tabhacht mhór leaga ar Liathróid Laimhe, caide'n doigh na mbeadh, agus an suim atá sa chluiche sa cheantar seo. Cad tuige a nimirionn daoíní liathróid laimhe ar

scor ar bith. Bhoil! seo cupla buntaiste atá leis.

(A) Thig le imroir saol fada a bheith acu sa chluiche agus é a imirt o deich mbliana d'aois go mbeidh tú seasga ar a laghad.

(B) Níonn se tú láidir, follain agus gear chuimhseach.

(C) Spóirt atá ann a dtíg leat buaidh a fháil fríd oilteacht amhain.

(D) Ní ga níos mo na dha h-imíoir le cluiche a imirt.

(E) Deir na doctuir go bhfuil sé maith ag an chroí agus go gcuidionn sé le

Imshruthú (Circulation) na fóla agus fosta le d'anál.

Tá cupla pointe eile atá ann tabhachtach do dhaoíní ar bith ar maith leo Cuir a thógail.

(1) Ba cheart i gconaí é a bheith suite san áit a bhfuil an daonra is mo sa cheantar.

(2) Mas féidir ba cheart an leictreachas, agus an tuisce a bheith furast a fháil, chun na foirgnimh.

(3) Ba chóir go mbeadh duine éigin ag obair ar an Chuir a mbeadh fíos a gnoithe acu.

GACH CINEAL CAR ÚR LE FÁIL Ó:

Greene's Garage

Escort '69
Capri '70
Cortina '67
Cortina '68
Fiat 125 '70

Anglia '67
Anglia '66
Mini 850 '69
Van Morris 1000 '65
Anglia Estate '67.

Faoi £100

Minor 1000 '62
A. 40 '64
Morris 1100 '65
Cortina '63

A.A. agus
R.I.A.C.

An Clochán Liath

Guthan
14.

RADHARC NA nOILEÁN

Machaire an Chlochair

Earraí Grósaera, Milseógra

Foireann Peile Anagaire sna Caogaidí



A chlóbhuiladh sa Ghaeltacht ag Cló na Rosann, Gaeth Dobhair